

重修洪洞縣志

卷十七 藝文志下

卷十八 雜記志

卷末 原跋

洪洞縣志卷十

藝文志下

詩

霍山

明推官

王澤溥

邑人

霍嶽稱雄鎮高峰欲插天泉飛吳馬練塔矗祖龍鞭翠柏生丹
壁金蓮種石田登臨空萬象絕頂有真詮

清尙書

王士禎

新城人

嶽色清秋裏岩嶢俯素汾幾時攜蠟屐絕頂息勞筋姑射連冰
雪中條接白雲竹書何日事霸業久三分

舉人

王楷蘇

邑人

嵯峨山峰起巍然鎮河東西壓造父城東顧銅鞮宮北過冷泉
關南抱岳與洪綿亘數百里突兀摩遙空直覺天不遠呼吸帝
座通條山與姑射看去兒孫同雲雨時時作寶藏知何窮上有
中峰廟千年祭告崇西南建梵宇寶塔凌蒼穹擂鼓臺猶在馬
跑泉水融唐宗留勝跡百代想英風茲山多靈異半隱蒼翠中
我昔遊塔院未登最高峰會當重振策絕頂問洪濛

學正 王楷歐 邑人

三晉雲山總可憐霍峰高聳一堆煙我聞絕頂多名勝仙洞常
開五色蓮

霍山廣勝寺

元隱士 張守大 邑人

名山佳景邃幽尋
雨過煙嵐鬱翠岑
地接紺園珠斗近
泉通玉竇白雲深
野花溪鳥資禪性
露竹風杉共醉吟
擬向東鄰結蓮社
不妨頻此抱瑤琴

明邑令

陳宗仁

出郭尋芳近水涯
曉雲占瑞絢飛霞
珠泉地湧千村雨
錦樹春生萬谷花
山靜野閒僧是主
石巉松老鶴爲家
歸來尙有龍祠興
猶醉馮莊待月斜

參議

許翔鳳

邑人

勝蹟雄東鎮登臨
憶往年山溪盤老樹
石竇噴嘉泉地僻人踪
少秋高菊蕊鮮
乾坤眞樂在日暮爲流連

副使 李復初 邑人

霍嶽涵元化山根噴碧流瑤宮雲外現寶塔日邊浮巖壑生幽興松煙闊壯眸暫憩還復去此地有巢由

都御史 劉廷臣 邑人

石竇溶溶水山隈翼翼亭閒雲孤鶴夢涼月萬松聲夜入鐘初動僧歸犬不驚蓮燈垂法座相對亦陶情

山深嘉木合寺迥絕塵埃活水循溪出白雲拂嶺來法輪常萬境寶樹已三迴俗慮知縈結傾樽對月臺

知府 劉應科 邑人

二十年前此地遊今朝重到舊沙洲山開疊嶂浮青靄水遶孤

村瀉碧流泉上風雲渾是昨眼中物色幾經秋自憐解脫塵中網且共忘機伴白鷗

署正

王家璋

邑人

霍嶽峻嶒入翠微琳宮高下敞禪扉幾番風雨攜朋至萬壑煙嵐扶杖飛絕頂未攀興難盡寒潮久覽坐忘歸此中不覺風波寂欲向頭陀共鉢衣

清舉人

李喬晉

邑人

勝地環生翠山根漾水池噴流石作韻對話景成詩樹古迎風早檐高落日遲佛天真可愛隨意復敲棋

知縣

范鶴年

邑人

林宇岩嶢石磴迴芒屨筇杖破蒼苔山從碧浪聲中立人向青
嵐影裏來野鳥銜花歸塔院殘霞隔樹護鐘臺老僧留客峰頭
語天外浮雲一笑開

張道渥

浮山人

少小思遊廣勝寺今來雙鬢已皤然半山突起千尋塔一水分
澆兩縣田翠柏高低無大樹琳宮荒廢鎖寒煙歸來共論眞奇
處好个浮圖與湧泉

知州

衛緒渙

邑人

不到靈山已十年煙霞林壑尙依然怪松側面如迎客古佛婆
心欲話禪唐代殘碑依壞壁堯時明月貯寒泉何當脫屣紅塵

外共結仙家自在緣

生員 李敏 邑人

不到峯巒已十秋
可人風景自今留
松撐海眼泉三面
塔印天心月一鉤
巖上柏形分左紐
亭前柱影界中流
盤雲梯石斜陽晚
足踏靈山最上頭

生員 段如苞 邑人

壁立巉巖似削刪
登臨一步一迴環
山從人面騰空起
路指崖頭向上攀
倦依樹根時歇足
談逢僧侶笑開顏
須臾獨立危峰頂
一覽方知小衆山

爲謁山靈到此間
登峰造極信巍然
丸丸古樹盤靈柏
曲曲清

流湧寶泉塔影圓時天色午人蹤靜後月形偏雲來雲去歸何處看到高高不盡天

生員 王椅 邑人

濛濛翠壁蔓蒼藤二月山泉未解冰下馬遙看山上寺白雲尙隔兩三層

刻露巉巖石骨幽濃春煙景似殘秋垂楊絲短松楸古惟有清泉一道流

盤盤磴道望依稀汗溼春衫坐翠微小憩不知峰抱寺一彎纔轉卽禪扉

橫汾一綫望分明盪滌塵襟在此行欲學通明成小築三層樓

上坐吹笙

彎環塔院禮天尊更覓殘碑剔蘚痕五字倚樓眞絕妙驚人流
水渡花魂

煙深古洞草淒迷終古仙靈在此棲也似天台重一到空山花
落杜鵑啼

身世茫茫等守株十年春夢記模糊禪堂笑向沙彌問還識當
時我也無

筍輿才下日斜時却上觀瀾把酒卮最愛晚風吹皺水春波搖
漾碧琉璃

鞭絲帽影趁斜陽人到名山不憶鄉明日鶯花逢上巳更從曲

水共流觴

石泉鳴咽日西流
山色終年足豁眸
何日此間結茅屋
也須七十四回遊

貢生
李時升
邑人

峰迴路轉策花驄
載酒尋芳踏碎紅
立馬曾因山色好
遊人俱在畫圖中

不到名山十二秋
層巒疊嶂尙悠悠
今朝解脫塵中網
盪滌煩襟在此遊

巉巖石骨露新痕
小憩峰腰踞石根
回望九箕山下路
蒼茫雲樹隔前村

浮雲黯淡鎖晴光壁立千尋鳥道長行到上方眞淨域可人花
木繞迴廊

曲徑深深古佛堂天然寶塔位中央松風一陣塔前過吹散平
生鬱結腸

前峰低壓後峯高古洞尋幽未憚勞偶到巖泉同小坐白雲深
處聽松濤

寺外層嵐又幾重風煙萬壑盪前胸新詩擬向石間寫不許題
名落碧峯

拜別琳宮下翠微午鐘初罷淡雲飛與君且煮葡萄酒不似張
顛不許歸

對坐松陰泛酒卮
水心亭上好題詩
科頭莫笑狂生誕
不負青春行樂時

嘯傲河山兩載餘
酒痕猶染舊襟裾
何年此地結茅屋
攜我良朋好讀書

干霄古柏傍禪扉
雨後嵐光靜落暉
坐久不嫌歸去晚
朝朝願醉百花圍

霍太山頭已暮春
鶯花倦眼總愁人
歸來正是黃昏後
滿路風光不染塵

九箕山

唐人胡曾

寂寂箕山春復秋
更無人到此溪頭
棄瓢巖畔中宵月
千載空

聞屬許由

王楷蘇

九箕之山何巍巍後高前下兩肘圍山勢歷歷都相似朝嵐晚
煙九點起我聞許由願投閒徘徊箕山潁水間此山尙留棄瓢
池當年高踪應在茲又聞梁趙山亦著云是許由棲隱處遼陽
大陽俱有紀今古茫茫知誰是鷦鷯棲林鼠飲河一枝滿腹今
如何欲滌俗腸歎無因借爾簸盡九州塵

王楷歐

霍嶽山南九點煙許由遺跡至今傳千秋東澗澗中水曾灌當
年洗耳泉

英山

明參政 劉應時 邑人

揚城西望藐仙山生長英皇在此間一去瀟湘雲縹緲獨留瀟
湘水潺湲儀型自稔當年化魂夢寧知幾歲還腸斷蒼梧望夫
石至今修竹淚痕斑

王楷歐

東風吹我過英山帝子祠前待鶴還澗草巖花汾上路依稀湘
水竹枝斑

婁山

王楷歐

望裏婁山雲樹齊汾流倒映碧琉璃夕陽襯出千年黛萬疊青
蒼步月梯

玉峯山

張守大

與客攜琴到玉峯琪花瑤草遶仙宮道人亦喜招凡侶話盡黃
庭月上桐

明太傅

韓文

邑人

不到仙家十五年可人風景尙依然半巖花雨龍歸洞滿地松
陰鶴避煙近水丹崖常得月凌空畫閣欲參天賞懷未了登臨
興歸騎夕陽懶著鞭

尋真特地到仙宮景與塵寰自不同殿聳層霄金碧爛山盤大
地古今雄隔林村落煙霞外附郭閭閻指顧中幾度追遊吟興
倦碧桃花底坐春風

劉應時

玉峰峰上仙臺古，儼對危城踞龍虎。
登高獨立四望之，颯然佳氣彌寰宇。
霍峰時復送青來，汾水揚紆去復回。
九箕南下洪崖浦，一覽河山何壯哉。
玉殿淒清苔蘚落，孤松絕壁巢鸚鵡。
別一丹邱一洞天，簷際白雲常出沒。
我來序屬高秋天，讌集相看盡大賢。
顧我敢隨班馬後，多君肯讓左邱先。
傳觴賦詩白日晚，興高氣俠衣襟緩。
心事應隨夜月明，世情盡付秋空遠。
人生良會能幾何，歸朝又擬北征歌。
莫惜樽前勸杯酒，君不見客子天涯重回首。

洪崖

王楷蘇